



Inatsisartunut ilaasortaq  
Aleqa Hammond  
Maani

**Immikkut akuerineqarluni inuussutissanik nalunaaqutsersuisarneq pillugu apeqquteqaammut akissut:**

Inatsisartut suleriaasianni § 36 immikkoortoq 1 naapertorlugu matumuuna Naalakkersuisunut ima ittumik apeqquteqarputit:

**Naalakkersuisut aaliangerpaat Namminersorlutik Oqartussat Inuussutissanik nalunaaqutsersuineq pillugu akuersissummut nalunaarut Upernavimmut, Ummannamut Tunumullu atuuttoq allangortissallugu immikkut akuersissut qaammagini pingasuni atuussimasoq qaammammut ataasiinnarmut atuuttussanngorlugu. Aaliangernerullu kingunerisaanik maanna inuussutissat tusind-kronerpassuarnik nalillit eqqarneqartussanngorlutik, siumoortumik naalakkersuisunit allangortitsiniarmik aarlerisaarisooqarsimanninnerata kinguneratigut aammalu nioqqutissanik inniminniinginnermi nalunaarutigineqarsimanninnerata kingunerisaanik. Sooq ilisimatinneqaqqaarsimannigillat? Allakkatigut naalakkersuisumit ilisimatinneqarput aaliangerneq isumaqatiginngikkuniku sap. Ak. 4-it qaangiutsinnagit maalaarsinnaasut, taamaasiorsimappullu akineqanngitsumik. Sooq akineqarsimanningersut apeqqutigiumavara.**

(Aleqa Hammond, Siumut)

**Akissut:**

Apeqquteqaatinnut qujanaq, tassani kalluarpat pisaq pingaartorujussuaq – inuussutissat isumannaatsuunissaat.

Naalakkersuisut inuussutissat isumannaatsuunissaat pingaartittorujussuaat, nunatsinni niuertarfinni inuussutissaarniarfinni nunami maani atu-isartut inuussutissanik pisinermi toqqissisimanissaat qulakkeerumallugu.

Taamatut isumannaatsuutitsinissaq ilaatigut qulakkeerneqartarpoq inuussutissat ullussaannik killilersuilluni nalunaaqutsersuinikkut. Nunatsinnili tamarmi taamatut nioqqutissanik nalunaaqutsersuisarneq assigiimmik ingerlanneqarsinnaanngimmat periarfissaqarpoq immikkut akuerineqarnis-

Dato:

Postboks 1601  
3900 Nuuk  
Oq/tel +299 34 50 00  
Fax +299 32 56 00  
isiin@gh.gl  
www.nanoq.gl

samut qinnuteqarnissaq – tassa sikusartuni, tassunga ilanngullugu Tasiilami Pilersuisoq A/S, aperisup assersuutitut atugaa.

Atuisartut inuussutissanik sapinngisamik isumannaannerpaanik pilersorneqarnissaat aallaavigalugu Naalakkersuisut kissaateqarput immikkut akuersissuteqartarneq sapinngisamik annerpaamik killilersimaarniarlugu, taamasioraanni atuisartut nioqqutissanik ullussaminnik qaangeereersimasunik pisisariaqartannginniassammata.

Immikkut akuersissuteqartarnerit killilersimaarneqarsinnaanngorsimapput KNI A/S pitsaanerusumik assartuineri periuseqalersimammat, periutsillu tamatuma nioqqutissanik ullussaminnik qaangiisimasunik tuniniaanisamut immikkut akuerineqarnissamik qinnuteqartarnerit annikillisippai.

Assersuutitut taaneqartoq pillugu – Tasiilami Pilersuisoq A/S – Islandip Tasiillu akornanni timmisartumik angallassisoqartarpoq, tamannalu immikkut akuersissutinik tunisisarnerup annikillisinnissaanut annertuumik sunnuteqarsimavoq.

Tamatumunnga atatillugu aamma eqqaanngitsoorusunngilara, nioqqutissanik ullulersuilluni nalunaaqutsersuisarneq pillugu immikkut akuerineqarnissamut qinnuteqartoqarsinnaammat, imaanngilarli pinngitsoorani immikkut akueritittoqartarpoq. Qinnuteqaatit tamarmik immikkut naliliivigineqartarput.

Pineqartumut tunngatillugu ulloq 12. februar 2009 KNI A/S (Tasiilami Pilersuisoq A/S-ip piginnittaa) nakkutilliisutullu oqartussaasut ataatsimeeqatigiissimapput. Ataatsimiinnermi illuatungeriit isumaqatigiissutigaat piaarnerpaamik KNI A/S nioqqutissanik ullulersuilluni nalunaaqutsersuisarneq pillugu immikkut akuerineqarnissamik qinnuteqassasoq. Nakkutilliisutut oqartussaasut KNI A/S-imit qinnuteqaammik tigusaqarput ulloq 5. maj 2009 – tassali immikkut akuersissummik qinnuteqarfissatut killiliunneqartoq qimmutereersorlu.

Siunnersuisoqatigiinnut Aalajangiisartunullu Aqutsisoqarfik, ilisimatineqarnerput naapertorlugu, aalajangiineq pillugu KNI A/S-imit naammagittaalliummik tigusaqarsimangilaq.

Neriuppunga qulaani akissuteqarnikkut apeqquteqaatinnut Naalakkersuisut sinnerlugit naammattumik akisimassallunga.

Inussiarnersumik inuulluaqqusillunga

Ove Karl Berthelsen

Inuussutissarsiornermut Sulisoqarnermullu Naalakkersuisoq